



UNIVERSITÄTS-
BIBLIOTHEK
PADERBORN

**COLLATIO-||NVM SACRARVM|| LIBRI VIII.|| Tilmanni
Bredenbachij S. Th. D.||**

Bredenbach, Tilmann

Coloniae Agrippinae, 1592

VD16 B 7378

14. De AEtænæ montis et Heclæ terribilibus incendiis.

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

906 COLLATION. SACRAR.
*Laurentius Surius in Chronicis sub annum 1537. ad-
ducens Trogum lib. 4. & Strabonem. De Aethna
montis & Hecla terribilibus incendiis.*

CAP. XIV.

ANno 1537. mense Aprili Aethna mons Si-
ciliae, materia plenus sulphurea, quam hu-
mida gignunt nutrimenta, ingentē ignis mas-
sam euomit, quae non repentino, sed passim
decidens, colles, nemora, saxa rupes, pagosque
duos, (nam multos ille mōs agros complecti-
tur,) flammis vastauit. Eius montis ignis sul-
phureus, interdū obscurum & subnigrum,
noctibus verò prorsus horrendum se spectan-
tibus ostendit. Feruntur in summo vertice mi-
rabiles esse mutationes, interdum erumpente
ingenti flumine, aliquando vel flāma, vel ob-
scuro fumo. Id verò summam habet admirā-
tionem, quod illius ignis calor, neque frigus
depellere, neque vlllo frigore temperari potest.
Verisimile est, quicquid dicunt Philosophi, iis
in locis quaedam esse Tartari ostia, aut loca
puniendis animabus destinata: quemadmo-
dum etiam in Islandia insula, quae in Occi-
dente sita, aestiuo solstitio noctem nullam, bru-
mali nullum diem habet, mons est, Occiden-
tem versus, Hecla dictus, à quo non longè ab-
sunt fodinae sulphuris, quod inde copiosissime
plenis manibus euahitur. Mons ille cum furit,
haud secus atque horrenda tonitrua insonat,
proijcit ingentia saxa, sulphur euomit, cineri-
bus

bus egestis terram circum circa tam longè opertit, vt ad vicesimum lapidem vel milliare coli non possit. Sunt ibi multæ voragine, ita cineribus operte, vt vix cuitari possint ab illis, qui vt eius incendij naturam explorent, propius montem accedunt, è quibus plerique viui à voraginibus absorbentur. Emergit illic ignis quidam, qui aquam absomit, stupam non absomit. Visuntur illic mortuorum spiritus, qui in nora specie offerunt se familiaribus colloquiis hominum, idque adeò, vt adhuc viuere putentur ab illis qui eos nesciunt, vel submersione, vel alia violenta morte periisse. (Nam tales præcipuè apparent) cum autem orant eos amici, vel voti, vt domum redeant, dicunt cum ingenti gemitu, se petere montem Heclam, illicoque disparent. Voluit autem omnipotens Deus, eiusmodi in terris exstare loca terribilia, vt certius notint mortales, quæ poena maneat impiis post hanc vitam, & sic discant timere Deum, vt possint æternos ignes euadere.

Petrus de Palude in Thesuro homiliarum, & Ioannes Nauclerus Chronograph. volum. 3. generat. 43. Petrus Canisius libr. 5. cap. 20. operis Mariani, Fulgosius. libr. 9. cap. 12. Conrad. Lycost. lib. 12. Theatri, & quidam alij, de Vdone Archiepiscopo Magdeburgensi, qui patrocinante D. Virgine Maria, obtinens scientiæ donum & Archiepiscopatû, moniti quæ D. Virginis resistens, & in Archiepiscopatu flagitiosè viuens, seuerè puniunt.

CAP.